

ՆՈՒԻՐԱՏԻՈՒԹԻՒՆՔ.

Տփլխսեցի հանգուցեալ Զաքար Իսահակեան Ղարղաձեանց՝ յորդորանօք Արժ. Գիւտ քահանայի Աղանեանց, կտակեալ է ա. յանուն վերանորոգութեան Սրբոյ Տաճարին էջմիածնի 500 ռուբլի. բ. մի տուն արժողութեամբ քսանեհինգ հազար ռուբլոյ, որ յետ մահուան կնոջն կամ ամուսնութեան նորա, ունին կտակակատարք վաճառել, զմի մասն գոյացեալ գրամոցթողով յօգուտ Հայազգի աղքատաց նոյն քաղաքի, և զմի մասն տալ Սրբոյ էջմիածնի ըստ կտակին. գ. 500 ռ. ուսումնարանին Կուկիոյ Հայոց Ս. Աստուածածին եկեղեցւոյ, գ. զտոկոսիս 500 ռ. ծխական քահանային նոյն եկեղեցւոյ, որ յամի ամի ունի մատուցանել հինգ պատարագ ի փրկութիւն հոգւոյ հանգուցելոյն, ե. 200 ռ. Վանաց աւագ եկեղեցւոյն առ ի գնել զգետ պատարագի և մի աւետարան արծաթապատ, և զգմնացեալ գրաման թողու ի կամս հոգաբարձուացն բաժանել ի վերայ աղքատաց ըստ ընտրութեան իւրեանց:

Տէր լուսաւորեացէ զհոգի հանգուցելոյն և դասեսցէ ընդ սուրբս և ընդ սիրելիս իւր, ամէն:

Աղէքստնգրապօլցի բարեպաշտ Պ. Աղաջան Իւզբաշեանց նուիրել է վասն հոգւոյ հանգուցեալ կնոջ իւրոյ Մարիամու, Աղէքսանդրապօլու Սահակեան օրինորդաց դպրոցին մի հատ յիսուն ռուբլիանոց արժեւորման արեւելեան փոխառութեան՝ ինն կտրոնով, նոյնպէս Աղէքսանդրապօլի աղքատանոցին մի յիսուն ռուբլիանոց արժեւորման արեւելեան փոխառութեան՝ ինն կտրոնով, և հինգ ռուբլի հոգեբաժին: